



Broj:  
Sarajevo, 17.04.2024. godine

PRIMLJENO: 17-04-2024			
Organizaciona jedinica	Klasifikaciona oznaka	Redni broj	Broj priloga
01-50-1-		808/2	4

PARLAMENTARNA SKUPŠTINA BOSNE I HERCEGOVINE  
PREDSTAVNIČKI DOM

n/r predsjedavajućeg, g. Nebojša Radmanović

Na osnovu člana 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23 i 87/23), a imajući u vidu da je Evropsko vijeće 21. marta 2024. godine donijelo odluku o otvaranju pristupnih pregovora sa Bosnom i Hercegovinom, te podcrtavajući da je u mišljenju Evropske komisije iz 2022. godine navedeno kako Bosna i Hercegovina mora implementirati 14 ključnih prioriteta kako bi se uskladila sa kriterijima za punopravno članstvo u Evropskoj uniji, podnosim

### POSLANIČKU INICIJATIVU

kojom Predstavnički dom Parlamentarne skupštine Bosne i Hercegovine inicira da Vijeće ministara Bosne i Hercegovine pristupi izradi Akcionog plana za realizaciju prioriteta 4. g) iz Mišljenja Evropske komisije, koji glasi: „Temeljno unaprijediti institucionalni okvir, uključujući i na ustavnom nivou, kako bi se osiguralo da su svi organi uprave zaduženi za provedbu *acquis-a* zasnovani isključivo na profesionalizmu i da se ukloni pravo veta u procesu donošenja odluka, u skladu s *acquis-em*“.

### Obrazloženje

Sastav pojedinih upravnih tijela u Bosni i Hercegovini i donošenje njihovih odluka zasniva se na kriterijima etničke pripadnosti, što dovodi u pitanje efikasno provođenje pravne stečevine EU, jer pravo veta zasnovano na etničkoj pripadnosti u velikoj mjeri utiče na brzinu i efikasnost rada svih upravnih tijela i organa na svim nivoima vlasti u Bosni i Hercegovini. U Mišljenju Evropske komisije iz 2022. godine navedeno je da Bosna i Hercegovina još uvijek nije preduzela nikakve korake ka ukidanju svih postupaka odlučivanja i veta zasnovanih na etničkom principu, te da Bosna i Hercegovina treba dodatno uskladiti svoje provedbene propise sa *acquis-em* EU.

Imajući u vidu da javna uprava u Bosni i Hercegovini još uvijek nije u potpunosti depolitizovana niti zasnovana na principima meritornosti, te da je podložna političkim intervencijama, neophodno je osigurati da svi upravni organi kojima je povjereno provođenje pravne stečevine EU budu zasnovani na ovim principima, te da pravo veta bude izuzeto u procesu odlučivanja o pitanjima koja su vezana za provedbu *acquis-a*.

Dr. Denis Zvizdić